

Fasnecht 2025



Sujet:

Mir fiire 1 Joor Spielweltefabrik und 40 Joor Chnoblachfrässer

Im Joor 1189 isch Lieschtel s erscht mol in dr Gschicht erwähnt
Bis es e Stadt isch gohts aber no über 60 Joorzähnt.
S gröschte Ereignis in dr Gschicht vo Lieschtel sin mir euch no schuldig
blibe
D Chnoblachfrässer händ ab 1985 im Städtli ihre Unfueg tribe.

Mr glaubts fascht nid aber das isch wohr
d Chnoblachfrässer Lieschtel gits scho sid 40 Joor.
In 40 Joor isch so einiges in eusere Clique passiert
Mir hei uns in dr Region als Traditionsverein etabliert

Mir mache Stimmig und verteile Ware
Scho oft sind mir durchs Törli gfahre.
So mängs Sujet hets in dene vielne Joore geh
Es paar vo dene wei mir nomol in Fokus neh

Mit dr KB Krüzig und de Lieschtler Beize sin mr gstartet
So mänge vo de hütige Chnobis hett denn no in dr Pipeline gwartet
Mc Donalds do Mc Donalds dört
Das het d Chnobis im 97 am meiste gstört

Au mit dr Ikea ischs im 01 nid anderscht cho
Es Wunder hei mir im 04 nid mit dr WB direkt vo Lieschtel uf Prattele chöne
go
Im 05 het in Lieschtel dr Pleitegeier gherrscht
Im 06 hets gheisse: „Wer isch im Aldi Lause dr erscht?“

Fuessballer simmer gsi und nach Öl hemmer boort
Als Gärtner hemmer Bäum verpflanzt amene neue Ort
Wie so oft het Lieschtel im 13 an dr Fasnacht gspunne
Und s Joor druf hei mir als Fraue am Schwingfescht gschwunge

Jedem sis Bier im 17 und dr Ott im 18 wo goht
Lieschtel wo will attraktiver sie und mit em neue Wage, en neu
Chnobigschicht ahfoht
40 Joor Gschicht verzellt natürli no viel meh

Au während Corona hesch eus mit Grabstei vorem Törli gseh

In 40 Joor Chnoblaufrässer hets au mol Pilzli dra
Jetzt foht die ganzi Gschicht wieder vo vorne ah
D Spielweltefabrik in Lieschtel, es Paradis für jedes Kind
D Chnobis aber zerbreche sich dr Grind

D Kunst vo dr Natur und Wüesseschafte chasch entdecke
Oder dich zwüsche de Holzobjekt verstecke.
Mit Gwunder und Freud wird tüftlet und glache,
neui Idee und Phänomen entdecke und mache.

Ob Gross oder Chli, do fällt niemert d'Wahl,
d'Spielwelt isch riesig, kreativ und genial!
Drum kum doch verbi und lueg dir das aa,
e Ort voller Wunder cha nur dr Chnobiwage ha.

Mir fiire Fasnacht und äs Jubiläum mit Gschick,
40 Joor Chnoblauchfrässer und 1 Joor Spielweltefabrik!
Drum sege mr „Proscht“ und stosse ah
Apropos, au das hei mr schomol als Sujet gha.